

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI ISNIN, 26 NOVEMBER 2012, PUKUL 10.00 PAGI**

**Bil. 69**

---

**PERTANYAAN-PERTANYAAN BAGI JAWAB LISAN**

1. PR-1253-L52871  
**Dato' Ismail bin Kasim [ Arau ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan keupayaan pegawai penguatkuasa Kementerian dalam menangani masalah bahan subsidi seperti minyak diesel dan petrol yang jelas terlibat dengan sindiket penyeludupan secara serius ke negara jiran.
2. PR-1253-L51573  
**Tuan Mohamed Azmin bin Ali [ Gombak ]** minta **MENTERI PENGANGKUTAN** menyatakan punca sebenar tragedi letupan kapal tangki Bunga Alphina milik MISC Berhad di Jeti Terminal Loji Petronas Methanol Labuan. Berapakah jumlah kerugian ekoran tragedi letupan yang berlaku dan berapakah jumlah mangsa yang terlibat.
3. PR-1253-L52522  
**Datuk Wira Ir Haji Idris Bin Haji Haron [ Tangga Batu ]** minta **MENTERI KEWANGAN** menyatakan adakah Kerajaan akan melaksanakan peraturan pengeluaran wang Kumpulan Wang Simpanan Pekerja (KWSP) keseluruhannya pada usia 60 tahun berbanding dengan usia persaraan 55 tahun yang dilaksanakan sekarang. Apakah rasional Kerajaan memperkenalkan usia pengeluaran KWSP pada 60 tahun.
4. PR-1253-L51411  
**Puan Siti Zailah binti Mohd. Yusoff [ Rantau Panjang ]** minta **MENTERI KEMAJUAN LUAR BANDAR DAN WILAYAH** menyatakan apakah usaha untuk menaikkan taraf jalan-jalan kampung yang sempit dan rosak yang menyebabkan kesesakan teruk terutama di musim perayaan.

5. PR-1253-L51096  
**Dato' Seri Ong Ka Chuan [ Tanjong Malim ]** minta **PERDANA MENTERI** menyatakan perancangan yang akan diadakan oleh Kerajaan untuk membantu pengusaha-pengusaha perkhidmatan pengangkutan awam seperti pengusaha bas sekolah dan pengusaha bas awam, terutamanya di kawasan bandar-bandar kecil dan luar bandar, yang menghadapi masalah seperti tidak mampu mengganti kenderaan mereka yang telah berusia lama dan mengalami kerugian akibat daripada kos operasi yang tinggi. Sedangkan perkhidmatan berkenaan sangat penting di kawasan luar bandar di mana ramai penduduk masih tidak memiliki pengangkutan sendiri.
6. PR-1253-L52106  
**Tuan Haji Ab Aziz bin Ab Kadir [ Ketereh ]** minta **MENTERI KERJA RAYA** menyatakan pendirian Kerajaan terhadap cadangan pembinaan lebuhraya Kota Bharu-Kuala Krai (Lebuh Raya Rakyat) oleh Kerajaan Negeri Kelantan. Apakah ada sebarang bentuk kerjasama sokongan atau bantuan yang akan diberikan oleh Kerajaan Persekutuan dalam menjayakan pembinaan lebuh raya tersebut.
7. PR-1253-L51979  
**Tuan Haji Ahmad Lai bin Bujang [ Sibuti ]** minta **PERDANA MENTERI** menyatakan adakah pihak Kerajaan berhasrat untuk mewujudkan sebuah "Bank Idea Pelan Pembangunan Malaysia" yang dikemukakan oleh seluruh rakyat Malaysia atau institusi pendidikan dengan idea-idea pembangunan seperti lukisan bangunan, model rumah rakyat serta reka bentuk prototaip teknologi yang boleh digunapakai oleh pihak Kerajaan untuk manfaat rakyat dan idea yang diambil akan diberikan ganjaran atau penghargaan tertinggi oleh Kerajaan Malaysia.
8. PR-1253-L51971  
**Dato' Taib Azamuddin bin Md Taib [ Baling ]** minta **PERDANA MENTERI** menyatakan sejauh mana pemantauan dibuat oleh pihak berkuasa agama terutama JAKIM terhadap aktiviti, program dan dakwah yang dilaksanakan oleh badan-badan NGO Islam di negara ini.
9. PR-1253-L51936  
**Datuk Mohd Nasir bin Ibrahim Fikri [ Kuala Nerus ]** minta **MENTERI PELAJARAN** menyatakan apakah Kerajaan berhasrat untuk meletakkan Dewan Bahasa & Pustaka (DBP) di bawah Jabatan Perdana Menteri (JPM) ke arah memantapkan lagi fungsi DBP dalam menangani masalah pencabulan Bahasa Melayu.
10. PR-1253-L52713  
**Tuan Mohsin Fadzli bin Haji Samsuri [ Bagan Serai ]** minta **MENTERI SUMBER ASLI DAN ALAM SEKITAR** menyatakan sejauh manakah Dasar Sumber Air Negara dan Strategi Air Negara dalam menangani masalah bekalan air di negara ini.

11. PR-1253-L52376  
**Datuk Wira Ahmad bin Haji Hamzah [ Jasin ]** minta **MENTERI KEWANGAN** menyatakan jumlah rizab antarabangsa Malaysia yang terkini mengikut jenis mata wang yang disimpan dan adakah BNM bercadang untuk mengorientasi komposisi tersebut sejajar dengan potensi perkembangan ekonomi negara-negara tertentu dan sekaligus mengukuhkan kedudukan rizab negara.
12. PR-1253-L51278  
**Dr. Ramasamy a/l Palanisamy [ Batu Kawan ]** minta **MENTERI BELIA DAN SUKAN** menyatakan bagaimanakah Kementerian berhasrat untuk membantu dan menghargai sumbangan bekas ahli-ahli sukan nasional yang telah berjaya mengharumkan nama negara dalam acara-acara di arena sukan antarabangsa terutamanya kepada ahli-ahli sukan yang amat memerlukan bantuan daripada Kerajaan sekarang.
13. PR-1253-L51197  
**Tuan Salleh bin Kalbi [ Silam ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan menyatakan adakah Kerajaan akan mengkaji semula syarat-syarat penjualan barang-barang di stesyen minyak terutamanya kepada pengusaha Islam.
14. PR-1253-L52977  
**Tuan Hee Loy Sian [ Petaling Jaya Selatan ]** minta **MENTERI KEWANGAN** menyatakan :-
  - (a) apakah sebab berlakunya kerosakan sistem monorel sehingga penumpang terperangkap di tren monorel lebih daripada satu jam pada 11 Ogos (berdekatan Stesen Tun Sambanthan) dan 17 Ogos 2012 (berdekatan stesen Imbi); dan
  - (b) status keuntungan/kerugian sistem monorel pada tahun 2007, 2008, 2009 ,2010 dan 2011.
15. PR-1253-L52599  
**Tuan Kamalanathan a/l Panchanathan [ Hulu Selangor ]** minta **MENTERI PERUMAHAN DAN KERAJAAN TEMPATAN** menyatakan :-
  - (a) secara terperinci setakat ini berapa Tapak Perkuburan bukan Islam di Malaysia yang telah diwartakan; dan
  - (b) sama ada Kementerian ada memberi bantuan kewangan untuk Tapak Perkuburan tersebut diselenggarakan.
16. PR-1253-L51817  
**Puan Hajah Zuraida binti Kamaruddin [ Ampang ]** minta **MENTERI DALAM NEGERI** menyatakan langkah Kerajaan bagi membasmi sindiket rompakan mesin ATM yang semakin berleluasa sejak kebelakangan ini.

17. PR-1253-L51861  
**Dato' Lilah bin Yasin [ Jempol ]** minta **MENTERI KEMAJUAN LUAR BANDAR DAN WILAYAH** menyatakan :-
- (a) berapakah keperluan sebenar rumah PBR di Negeri Sembilan khususnya di Parlimen Jempol; dan
  - (b) berapakah yang telah diluluskan dan berjaya dilaksanakan.
18. PR-1253-L51372  
**Tuan Khalid bin Abdul Samad [ Shah Alam ]** minta **MENTERI KEWANGAN** menyatakan apakah perancangan Kementerian untuk menentukan MAS kembali untung setelah rugi sekian lama.
19. PR-1253-L52022  
**Dato' Henry Sum Agong [ Lawas ]** minta **MENTERI PENERANGAN, KOMUNIKASI DAN KEBUDAYAAN** menyatakan bilakah liputan telekomunikasi di kawasan-kawasan yang belum mendapat kemudahan, khasnya di Sarawak disediakan.
20. PR-1253-L52722  
**Tuan Gobind Singh Deo [ Puchong ]** minta **MENTERI KERJA RAYA** menyatakan kenapa tiada tindakan diambil oleh Kerajaan untuk mengurangkan dan/atau menghapuskan tol di kawasan Parlimen Puchong sehingga sekarang dan sekiranya ada, apakah tindakan tersebut serta statusnya.
21. PR-1253-L51874  
**Tuan Haji Mohd Nor bin Othman [ Hulu Terengganu ]** minta **MENTERI PELAJARAN** menyatakan bilangan sekolah agama rakyat dan negeri yang didaftarkan sebagai Sekolah Agama Bantuan Kerajaan (SABK) di bawah Kementerian Pelajaran bagi membolehkan proses pengajaran dan pembelajaran semua sekolah itu dipertingkatkan.
22. PR-1253-L52484  
**Tuan Chong Chieng Jen [ Bandar Kuching ]** minta **PERDANA MENTERI** menyatakan jumlah jualan minyak dan gas dari Sarawak sejak tahun 1971 hingga 2012. Apakah angka pecahan untuk minyak dan gas masing-masing dalam setiap tahun itu.
23. PR-1253-L51188  
**Datuk Seri Panglima Abdul Ghapur Bin Haji Salleh [ Kalabakan ]** minta **MENTERI SUMBER ASLI DAN ALAM SEKITAR** menyatakan apakah Kementerian mempunyai rancangan untuk mengkaji keadaan sungai dan kualiti air mentah di Kalabakan yang telah mengalami kegiatan pembalakan dan perladangan secara besar-besaran tanpa terurus dan tanpa kawalan.

24. PR-1253-L52386  
**Tuan Lim Guan Eng [ Bagan ]** minta **MENTERI KERJA RAYA** menyatakan tol yang akan dikenakan untuk Jambatan Kedua Pulau Pinang. Bilakah ia akan siap dan akan dibuka untuk kegunaan awam. Nyatakan juga kos perkembangan pembinaan jalan-jalan penghubung dari Jambatan Kedua Pulau Pinang yang mendarat di Batu Maung ke George Town dan ke Balik Pulau, tarikh ia siap, kos pembinaan dan kepada kontraktor mana. Adakah projek ini akan siap serentak atau selepas Jambatan Kedua Pulau Pinang siap.
25. PR-1253-L51023  
**Tuan William @ Nyallau Anak Badak [ Lubok Antu ]** minta **MENTERI KESIHATAN** menyatakan setakat mana perancangan Kementerian Kesihatan bagi membina 2 buah hospital iaitu sebuah di kawasan Engkilili dan sebuah lagi di kawasan Lubok Antu memandangkan keperluannya untuk 32,000 penduduk di kawasan tersebut amat mendesak.
26. PR-1253-L51901  
**Dato' Kamarudin Bin Jaffar [ Tumpat ]** minta **PERDANA MENTERI** menyatakan apakah laluan-laluan baru kereta api di Pantai Timur Semenanjung.
27. PR-1253-L52045  
**Datuk Halimah binti Mohd Sadique [ Tenggara ]** minta **MENTERI PEMBANGUNAN WANITA, KELUARGA DAN MASYARAKAT** menyatakan langkah Kerajaan bagi membasmi kemiskinan di kalangan wanita khususnya ibu tunggal dan berpendapatan rendah serta nyatakan program-program bagi membolehkan mereka akhirnya berdikari dan tidak terus mengharap bantuan Kerajaan.
28. PR-1253-L51454  
**Dato' Kamarul Baharin bin Abbas [ Telok Kemang ]** minta **PERDANA MENTERI** menyatakan :-  
(a) pendapatan dan hasil pelaburan FELDA sebanyak RM 250 juta pajakan selama 25 tahun apartmen di Makkah; dan  
(b) rasionalnya FELDA membayar RM 250 juta sekaligus untuk pajakan apartment tersebut.
29. PR-1253-L51119  
**Tan Sri Datuk Seri Dr. Fong Chan Onn [ Alor Gajah ]** minta **MENTERI PERUMAHAN DAN KERAJAAN TEMPATAN** menyatakan berapakah duti pampasan yang perlu dibayar oleh Kerajaan sekiranya semua kerja-kerja pembangunan di Pulau Pinang dibatalkan.
30. PR-1253-L51609  
**Tan Sri Dato' Seri Abd. Khalid bin Ibrahim [ Bandar Tun Razak ]** minta **MENTERI DALAM NEGERI** menyatakan apakah usaha yang akan diambil Polis Diraja Malaysia dalam penugasan semula anggota polis untuk membuat serapan tugas-tugas anggota Cawangan Khas (SB) dan Unit Simpanan Persekutuan (FRU) ke Bahagian Siasatan Jenayah (CID) bagi mengurangkan kadar jenayah.

31. PR-1253-L52821  
**Dato' Sri Ir. Mohd Zin bin Mohamed [ Sepang ]** minta **MENTERI KERJA RAYA** menyatakan kenapa pihak Kementerian tidak bercadang untuk memasang lampu jalan di seluruh kawasan kemalangan dan gelap di kesemua lebuhraya-lebuhraya di negara ini memandangkan dengan pemasangan lampu-lampu jalan itu boleh mengurangkan kadar kemalangan dan dapat memberi keselesaan kepada pengguna lebuh raya-lebuh raya tersebut.
32. PR-1253-L52291  
**Tuan Manikavasagam a/l Sundaram [ Kapar ]** minta **MENTERI PERTAHANAN** menyatakan adakah Kementerian akan membentangkan keputusan penilaian Program Latihan Khidmat Negara setelah beberapa tahun diadakan bagi mengkaji keberkesannya memandangkan kos yang tinggi telah diperuntukkan bagi menjalankan program tersebut.
33. PR-1253-L51591  
**Tan Sri Datuk Seri Utama Shahrir Bin Ab. Samad [ Johor Bahru ]** minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Menteri yang bertanggungjawab terhadap Akta 685 berpuas hati dengan tahap penggunaan Bahasa Isyarat Malaysia (BIM) yang diiktiraf sebagai bahasa rasmi Orang Pekak Malaysia oleh Akta 685 dalam pendidikan Pelajar Kurang Upaya (PKU) Pendengaran di sekolah-sekolah Kerajaan.
34. PR-1253-L52819  
**Dato' Zulkifli bin Noordin [ Kulim Bandar Baru ]** minta **MENTERI KEMAJUAN LUAR BANDAR DAN WILAYAH** menyatakan :-
- (a) apakah tindakan dan langkah yang telah, sedang dan akan diambil untuk memperkasa kegiatan perniagaan dan ekonomi Bumiputera di Aked, kedai dan bangunan MARA yang kebanyakannya kelihatan uzur dan lesu termasuk di kawasan Parlimen Kulim Bandar Baharu; dan
  - (b) apakah langkah dan rancangan yang diambil untuk meningkatkan program usahawan Bumiputera, (termasuk usahawan graduan) yang lebih efektif.
35. PR-1253-L52276  
**Datuk Haji Matulidi bin Haji Jusoh [ Dungun ]** minta **MENTERI KESIHATAN** menyatakan langkah Kerajaan bagi mengawal jangkitan selesema babi atau Influenza (H1N1) yang menyebabkan kematian baru-baru ini daripada merebak sebagaimana wabak tahun 2010 yang telah mengorbankan seramai 100 orang.
36. PR-1253-L51684  
**Dr. Siti Mariah Binti Mahmud [ Kota Raja ]** minta **MENTERI DALAM NEGERI** menyatakan statistik kes rogol dan jumlah kes yang melibatkan mangsa bawah umur yang dilaporkan di dalam 10 tahun kebelakangan ini dan berapakah jumlah kes rogol bawah umur (*statutory rape*) berjaya didakwa dan dihukum oleh mahkamah.

37. PR-1253-L52941  
**Datuk Hajah Norah binti Abd Rahman [ Tanjong Manis ]** minta **MENTERI KESIHATAN** menyatakan sama ada Kementerian Kesihatan Malaysia (KKM) akan menyediakan ambulans untuk klinik kesihatan di Belawai dan Tanjong Manis.
38. PR-1253-L52258  
**Puan Nurul Izzah Binti Anwar [ Lembah Pantai ]** minta **MENTERI WILAYAH PERSEKUTUAN DAN KESEJAHTERAAN BANDAR** menyatakan senaraikan tanah-tanah yang bertaraf institusi yang wujud dan juga yang telah ditukar taraf seperti kes IPD Brickfields atas keputusan kabinet semenjak tahun 2000.
39. PR-1253-L51930  
**Dato' Sri Ong Tee Keat [ Pandan ]** minta **PERDANA MENTERI** menyatakan kesediaan Suruhanjaya Pengangkutan Awam Darat (SPAD) untuk membenarkan penggunaan "*guide dog*" oleh OKU yang cacat penglihatan dalam kenderaan-kenderaan awam. Jika ya, bila. Jika tidak, mengapa, memandangkan banyak negara jiran kita telah menerimanya sebagai satu-satunya kaedah mesra OKU yang dapat menjimatkan guna tenaga manusia.
40. PR-1253-L52466  
**Tuan Ding Kuong Hiing [ Sarikei ]** minta **MENTERI KEMAJUAN LUAR BANDAR DAN WILAYAH** menyatakan cadangan dan rancangan Kementerian membina tangki air rawatan tekanan tinggi di Nanga Strass, Sarikei kepada hampir 60 pintu rumah panjang telah dilengkapi paip air. Sedangkan pembinaan tangki tersebut telah dijanjikan oleh YAB Perdana Menteri semasa lawatan ke Julau & Pakan sempena Hari Gawai baru-baru ini.
41. PR-1253-L52692  
**Dato' Seri Tiong King Sing [ Bintulu ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) apakah mekanisme pengagihan kuota bahan api (petrol dan diesel) subsidi dan apakah cara penyelesaian Kementerian sekiranya sesebuah stesen minyak kehabisan bekalan petrol dan diesel subsidi walaupun masih ada keperluan; dan
  - (b) adakah Kementerian mempunyai perancangan untuk mendirikan stesen minyak untuk keperluan perindustrian.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Pertanian dan Industri Asas Tani**

- \* Rang Undang-undang Binatang (Pindaan) 2012

---

\* Menandakan bahawa Rang Undang-undang ini akan di bawa pada semua peringkat di mesyuarat ini.



**ATURAN URUSAN MESYUARAT DAN USUL-USUL**

- |    |                |  |                               |
|----|----------------|--|-------------------------------|
| 1. | (D.R. 35/2012) | Rang Undang-undang Kewangan (No. 2) 2012   | <b>Bacaan Kali Yang Kedua</b> |
|    |                | <b>[ Menteri Kewangan ]</b>  |                               |
| 2. | (D.R. 32/2012) | Rang Undang-undang Pengurusan Strata 2012 -<br><b>Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang.”</b><br><b>( 27 September , 2012 )</b> |                               |
|    |                | <b>[ Menteri Perumahan dan Kerajaan Tempatan ]</b>   |                               |
| 3. | (D.R. 34/2012) | Rang Undang-undang Pemindahan Antarabangsa Banduan 2012  | <b>Bacaan Kali Yang Kedua</b> |
|    |                | <b>[ Menteri Dalam Negeri ]</b>  |                               |
| 4. | (D.R. 36/2012) | Rang Undang-undang Keselamatan Sosial Pekerja (Pindaan) 2012   | “                             |
|    |                | <b>[ Menteri Sumber Manusia ]</b>  |                               |
| 5. | (D.R. 37/2012) | Rang Undang-undang Penyelarasan Pencen (Pindaan) 2012  | “                             |
|    |                | <b>[ Menteri Di Jabatan Perdana Menteri ]</b>  |                               |
| 6. | (D.R. 40/2012) | Rang Undang-undang Perkhidmatan Kewangan 2012  | “                             |
|    |                | <b>[ Menteri Kewangan ]</b>  |                               |
| 7. | (D.R. 41/2012) | Rang Undang-undang Perkhidmatan Kewangan Islam 2012  | “                             |
|    |                | <b>[ Menteri Kewangan ]</b>  |                               |
| 8. | (D.R. 39/2012) | Rang Undang-undang Bank Negara Malaysia (Pindaan) 2012   | “                             |
|    |                | <b>[ Menteri Kewangan ]</b>  |                               |
| 9. | (D.R. 38/2012) | Rang Undang-undang Reka Bentuk Perindustrian (Pindaan) 2012  | “                             |
|    |                | <b>[ Menteri Perdagangan Dalam Negeri, Koperasi dan Kepenggunaan ]</b>   |                               |

10. **Menteri di Jabatan Perdana Menteri akan mencadangkan:-**

"Bahawa mengikut Peraturan Mesyuarat 86(5), maka Penyata Jawatankuasa Peraturan-peraturan Mesyuarat yang dibentangkan di atas Meja Mesyuarat di dalam Dewan ini sebagai Kertas Dewan Rakyat DR 4 Tahun 2012 hendaklah diterima dan dipersetujui."

11. **Menteri Kewangan akan mencadangkan:**

"Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 11 Akta Kastam 1967 supaya Perintah Duti Kastam yang dibentangkan di hadapan Majlis ini sebagai kertas statut bil. ST.59 dan ST.60 tahun 2012 disahkan."

12. **Menteri Kewangan akan mencadangkan:-**

"Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6, Akta Eksais 1976 supaya Perintah-Perintah Duti Eksais yang dibentangkan di hadapan Majlis ini sebagai kertas statut bil. ST.96 dan ST. 97 tahun 2012 disahkan."

13. **Menteri Kewangan akan mencadangkan:-**

"Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 15, Akta Cukai Jualan 1972, Perintah Cukai Jualan yang dibentangkan di hadapan Majlis ini sebagai kertas statut bil. ST.98 dan ST. 99 tahun 2012 disahkan."

14. PR-1253-U51929

**Datuk Dr. Marcus Mojigoh [ Putatan ] akan mencadangkan:-**

"Bahawa Dewan ini mengambil maklum bahawa seperti pengambilan dadah jenis lain, menghidu gam, menghidu petrol, menghidu tahi lembu, pengambilan daun ketum dan pil-pil khayal yang tidak tersenarai sebagai dadah berbahaya, adalah menghayalkan dan memudaratkan kesihatan para pengguna di atas. "Dan mengambil maklum bahawa, pihak Polis dan pihak berkuasa lain tidak dapat menghalang dan mengambil tindakan ke atas pesalah di atas kerana kesalahan tersebut tidak termaktub dalam mana-mana Akta Kesalahan Pengambilan Dadah. Dan mengambil maklum bahawa, kebanyakan mereka yang terlibat adalah dari kalangan mereka yang dibuang sekolah, penganggur dan muda mudi di mana, bagi memenuhi ketagihan mereka, mereka sanggup melakukan jenayah bagi mendapatkan wang. Kegiatan ini juga sering berlaku di kawasan setinggan.Maka dengan ini, Dewan hendaklah mengambil ketetapan untuk meminta Kerajaan agar satu Akta dapat dapat diwujudkan bagi menangani gejala yang dimaksudkan di atas, secara efektif."

**(Menteri Dalam Negeri)**

15. PR-1253-U51933

**Datuk Dr. Marcus Mojigoh [ Putatan ]** akan mencadangkan:-

Bahawa Dewan ini mengambil maklum bahawa masalah kesesakan jalan yang dihadapi oleh pengguna jalan raya Putatan-Papar amatlah serius dan pengguna merungut bahawa kesesakan jalan raya ini menyebabkan kesukaran hidup mereka dari segi masa terbuang dan wang ringgit ke atas kos petrol". Dan mengambil maklum bahawa, kemarahan pengguna ini selalu dilemparkan kepada Wakil-wakil Rakyat Tempatan kerana dikatakan tidak mengambil tindakan bagi mengatasi masalah ini. Dan mengambil maklum bahawa jalan raya 2 lorong terutama sekali Jalan Petagas-Sabindo tidak lagi dapat menampung jumlah kenderaan yang menggunakan laluan tersebut setiap hari. Dan mengambil maklum bahawa, selaku Wakil Rakyat, saya juga telah beberapa kali menyuarakan masalah ini di Dewan ini. Maka dengan ini Dewan hendaklah mengambil ketetapan untuk meminta Kerajaan, untuk menaik taraf jalan yang dimaksudkan ke jalan 3 lorong bagi mengatasi masalah yang disebutkan tadi."

**(Menteri Kerja Raya)**

16. PR-1253-U51939

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kebanyakan kontraktor yang bernaung di bawah dewan-dewan Perniagaan dan Industri tidak mendapat peluang untuk mengerjakan projek-projek Kerajaan di negeri Sabah. Dan mengambil maklum bahawa ini menyebabkan para kontraktor yang bernaung di bawah Dewan perniagaan China, India dan Bumiputera lain merungut kerana kekurangan kerja. Maka dengan ini Dewan hendaklah mengambil ketetapan untuk meminta Kerajaan untuk menyalurkan projek-projek Kerajaan kepada para kontraktor ini melalui dewan-dewan perniagaan mereka, sekali gus menampakkan Kerajaan ini adil, telus dan prihatin."

**(Perdana Menteri)**

17. PR-1253-U51944

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa tambang bagi pengangkutan awam di negeri Sabah adalah terlalu tinggi kerana bahan bakar yang digunakan adalah petrol dan diesel. Dan mengambil maklum bahawa kesemua pengguna Perkhidmatan Awam ini adalah dari golongan yang berpendapatan rendah. Maka dengan ini Dewan hendaklah mengambil ketetapan untuk meminta Kerajaan supaya Kerajaan memanjangkan penggunaan kenderaan gas cecair asli (NGV-Natural Gas Vehicle) ke negeri Sabah bagi mengurangkan bebanan rakyat selaras dengan konsep 1Malaysia yang diilhamkan oleh YAB Perdana Menteri."

**(Perdana Menteri)**

18. PR-1253-U51948

**Datuk Dr. Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa golongan belia hari ini adalah pemimpin hari esok. Dan mengambil maklum bahawa keruntuhan moral golongan belia hari ini amat merunsingkan kerana kekurangan penekanan moral dan pendidikan agama mereka di peringkat sekolah, terutama sekali mereka dari kalangan bukan Islam. Dan mengambil maklum bahawa, para ibu bapa murid-murid bukan Islam khuatir bahawa anak-anak mereka tidak diberikan pendedahan moral yang secukupnya termasuklah hal penukaran agama mereka tanpa pengetahuan mereka. Maka, untuk menepis semua masalah, kekeliruan dan kekhuatiran di atas, Dewan hendaklah mengambil ketetapan untuk meminta Kerajaan untuk memberikan masa 2-3 jam seminggu (waktu sekolah) kepada murid-murid bukan Islam untuk mendalami agama mereka masing-masing, penghayatan rukun negara, adat istiadat kaum mereka dan mempelajari bahasa ibunda mereka."

**(Menteri Pelajaran)**

19. PR-1253-U52166

**Dr. Tan Seng Giaw [ Kepong ]** akan mencadangkan:-

"Bahawa dewan ini membahaskan sensitiviti agama dan kaum untuk mencari cara-cara memastikan keamanan dan keharmonian masyarakat majmuk ini."

**(Perdana Menteri)**

20. PR-1253-U52168

**Dr. Tan Seng Giaw [ Kepong ]** akan mencadangkan:-

"Bahawa dewan ini membincangkan dasar dan langkah untuk meningkatkan standard sukan di Malaysia, termasuk kewangan, akar umbi, persatuan dan latihan terutamanya selepas Olimpik London."

**(Menteri Belia dan Sukan)**

21. PR-1253-U51271

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini dengan seriusnya mencadangkan agar hari Kemerdekaan "Malaysia" tidak disalah tafsir memandangkan perbezaan tahun bagi Semenanjung (Malaya) dengan Sabah dan Sarawak. Contohnya "Kemerdekaan 55 tahun" bukan keseluruhannya benar. Maka untuk diguna sebagai rekod Kerajaan maka Hari Kebangsaan bagi tarikh 31 Ogos dan Hari Malaysia bagi 16 September haruslah diperjelaskan demi untuk memperbetulkan rekod khasnya sejarah Malaysia bagi generasi rakyat yang menjunjung Kedaulatan Negara".

**(Menteri Penerangan, Komunikasi dan Kebudayaan)**

22. PR-1253-U51273

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini mencadang dan menetapkan satu penyeragaman harga-harga runcit bagi barang keperluan harian, binaan, pembangunan dan sebagainya demi mengukuhkan rakyat dalam slogan " Satu Malaysia". Tidak ada guna untuk melaung-laungkan slogan ini dengan adanya rakyat yang jauh ketinggalan taraf kehidupannya disebabkan perbezaan harga-harga. Maka satu pendekatan serius dan utama haruslah diimplementasikan."

**(Menteri Perdagangan Dalam Negeri, Koperasi & Kepenggunaan)**

23. PR-1253-U51275

**Datuk Eric Enchin Majimbun [ Sepanggar ]** akan mencadangkan:-

"Bahawa Dewan ini dengan tegasnya menetapkan agar Suruhanjaya Siasatan Diraja yang diumumkan bagi Sabah menjalankan kewajipan dengan penuh bertanggungjawab sebagai rakyat Malaysia yang berdaulat. Peningkatan penduduk Sabah yang sangat mendadak haruslah diambil perhatian utama di mana telah melambung tinggi sebanyak 390% dalam masa 40 tahun dari 1970-2010, khasnya dengan pertumbuhan satu kaum sahaja berbanding dengan kaum etnik yang lain tidak mencerminkan ketamadunan rakyat Sabah.

Ordinan Kelahiran dan Kematian Sabah 1953 yang diisytihar sebagai Undang-Undang Persekutuan melalui warta LN 37/65 yang jelas mengutamakan proses lewat pendaftaran kelahiran melalui Mahkamah Sivil."

**(Perdana Menteri)**

24. PR-1253-U51453

**Tuan Kulasegaran a/l Murugeson [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa Perdana Menteri telah pada awal tahun ini mengumumkan akan pembinaan enam (6) Sekolah Tamil yang baru tetapi sehingga kini tiada apa-apa tindakan susulan diambil untuk mengimplementasikan janji yang dibuat oleh Perdana Menteri dan dengan ini memohon Dewan Rakyat Yang Mulia ini mengarahkan Kerajaan menepati janjinya."

**(Menteri Pelajaran)**

25. PR-1253-U52728

**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini mencadangkan supaya ditubuhkan Bank Wakaf untuk mencegah harta orang Islam/Bumiputera terjual serta membangunkan harta tersebut secara komersial ."

**(Perdana Menteri)**

26. PR-1253-U52729

**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini minta mengkaji semula caj insurans kenderaan motorsikal diturunkan tanpa mengenakan loading yang membebankan rakyat. Naikkan bayaran cukai jalan dari RM 2 ke RM 10 sebab kenaikan cukai jalan akan meningkatkan pendapatan kerajaan dan dinikmati oleh rakyat, manakala kenaikan insurans hanya dinikmati oleh syarikat sahaja."

**(Menteri Kewangan)**

27. PR-1253-U52731

**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini minta mengadakan satu mekanisme untuk menghalang warga bukan negara dari menikmati subsidi ke atas barangan seperti beras, gula, minyak masak dan bahan api."

**(Menteri Perdagangan Dalam Negeri, Koperasi & Kepenggunaan)**

28. PR-1253-U52732

**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini meminta pihak pengendali Touch & GO untuk mengadakan lorong tambah nilai di laluan Plaza Tol bagi kemudahan pengguna tanpa ke pejabat atau agen stesen minyak. Melalui agen dikenakan caj 50 sen bagi setiap top-up manakala di pejabat pula menyusahkan pengguna."

**(Menteri Kerja Raya)**

29. PR-1253-U52734

**Tuan Mohsin Fadzli bin Haji Samsuri [ Bagan Serai ]** akan mencadangkan:-

"Bahawa Dewan ini meminta pihak berkuasa Majlis Keselamatan Jalan Raya supaya mengkaji semula dan menaikkan kadar had laju kenderaan dari 110 Km/jam ke 130 Km/jam (lebuhraya) kerana kenderaan pada masa kini mempunyai ciri-ciri keselamatan yang tinggi."

**(Menteri Kerja Raya)**

30. PR-1253-U52840

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Kerajaan supaya menamakan "Stadium Badminton Kuala Lumpur" kepada "Akademi Badminton Punch Gunalan" sebagai mengenang jasa dan sumbangan mendiang Datuk Punch Gunalan kepada negara dalam bidang dan pembangunan sukan badminton."

**(Menteri Wilayah Persekutuan dan Kesejahteraan Bandar)**

31. PR-1253-U52842

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Kerajaan supaya mengeluarkan lesen kepada mana-mana pihak yang berkelayakan untuk menubuh dan menjalankan khidmat penerbangan kos rendah sebagai alternatif dan/ atau tambahan kepada syarikat penerbangan AirAsia dengan syarat ia menjadikan terminal KLIA 2 sebagai hub operasi mereka."

**(Menteri Pengangkutan)**

32. PR-1253-U52843

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Kerajaan supaya menjadikan tarikh 13 Mei setiap tahun sebagai "Hari Mahabbah" sebagai memperingati peristiwa hitam rusuhan kaum yang berlaku pada 13 Mei 1969 agar rakyat bukan sahaja tidak lupa sejarah hitam tersebut serta dalang-dalang dan punca terjadinya peristiwa tersebut, malahan yang lebih penting untuk menyedarkan rakyat betapa pentingnya toleransi agama dan perkauman diamalkan di negara ini agar rakyat boleh terus hidup dalam suasana aman dan harmoni dan keselamatan negara dan ketenteraman awam terus terpelihara daripada anasir-anasir cauvinis dan perkauman sempit yang cuba diterapkan oleh segelintir rakyat Malaysia."

**(Menteri Penerangan, Komunikasi dan Kebudayaan)**

33. PR-1253-U52846

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mengutuk tindak tanduk sebuah syarikat yang didaftar di Suruhanjaya Syarikat Malaysia dengan nama Suara Inisiatif Sdn. Bhd. tetapi menjalankan kegiatan dan aktiviti seperti sebuah badan bukan kerajaan dengan nama dan gaya "Suara Rakyat Malaysia @ Suaram" yang berterusan menjalankan kegiatan memburuk-burukkan kepimpinan negara khususnya YAB Perdana Menteri dengan putar-belit isu Scorpene dan kaitannya dengan wanita Mongolia bernama Altantuya Shaaribu; dan mendesak pihak berkuasa supaya menyiasat pendedahan bahawa syarikat ini menerima dana bantuan asing untuk kegiatan dan aktiviti."

**(Menteri Perdagangan Dalam Negeri, Koperasi & Kepenggunaan)**

34. PR-1253-U52849

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mengutuk tindakan tiga (3) orang pegawai dan diplomat Suruhanjaya Tinggi Singapura yang terbabit dan/ atau melibatkan diri dan/ atau hadir semasa himpunan haram 28 April 2012 yang dilabel sebagai Himpunan Bersih 3 dan mendesak Kerajaan supaya melucutkan status diplomatik mereka dan/ atau mengisytiharkan mereka sebagai persona-non-grata dan mendesak Kerajaan Singapura supaya memanggil ketiga-tiga pegawai & diplomat tersebut kembali ke Singapura dan selanjutnya menuntut Kerajaan Singapura memohon maaf atas tindakan pegawai dan diplomatnya tersebut dan memberi jaminan ianya tidak akan berulang lagi."

**(Menteri Luar Negeri)**

35. PR-1253-U52854

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan agar Kerajaan mengambil langkah supaya Jadual 9 Senarai 2 (1) Perlembagaan Persekutuan dipinda dengan membuang perkataan seperti berikut:- tetapi tidak mempunyai bidang kuasa mengenai kesalahan-kesalahan kecuali setakat yang diberi oleh undang-undang persekutuan dan diganti dengan perkataan berikut; dan mempunyai bidang kuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan di dalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Dan proviso kepada Seksyen 2, Akta Mahkamah Syariah (Bidangkuasa Jenayah) 1965 (Akta 355) hendaklah dipinda bersesuaian dengan pindaan kepada Jadual 9 Senarai 2 (1) Perlembagaan Persekutuan seperti yang dinyatakan di atas dan hendaklah berbunyi seperti berikut : Mahkamah Syariah tersebut hendaklah mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan di dalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Bahawa Dewan ini mengambil maklum umat Islam wajib melaksanakan syariat Islam termasuk undang-undang jenayahnya seperti hudud, qisas dan ta'zir tanpa sebarang pengubahsuaian dan pindaan seperti yang berlaku sekarang dan Dewan mengambil maklum bahawa kegagalan melaksanakan sistem perundangan Islam sepenuhnya ini akan boleh membatalkan aqidah umat Islam."

**(Perdana Menteri)**



36. PR-1253-U52858

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 4 Perlembagaan Persekutuan dipinda dengan menambah perkataan seperti berikut (seperti yang dihitamkan): Perlembagaan ini adalah undang-undang utama Persekutuan dan, kecuali undang-undang dan syariat Islam, apa-apa undang-undang yang diluluskan berlawanan dengan Perlembagaan ini dan undang-undang Islam atau hukum syara' hendaklah terbatal setakat ianya berlawanan itu. Bahawa Dewan mengambil maklum bahawa banyak keadaan di mana hukum syara' dan syariat Islam telah terbatal dan atau tidak dapat dilaksanakan kerana Artikel 4 Perlembagaan Persekutuan ini yang meletakkan undang-undang negara mengatasi semua undang-undang dan peraturan lain termasuk undang-undang serta syariat Islam seperti pengharaman pemakaian serban di sekolah-sekolah kebangsaan, pemakaian purdah dan jilbab di jabatan-jabatan kerajaan, pelaksanaan undang-undang syarak seperti khalwat, zina, qazaf yang bercanggah dengan hukum syara' dan lain-lain."

**(Perdana Menteri)**

37. PR-1253-U52861

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah segera untuk mengesahkan dan mengisytiharkan bahawa Malaysia bukan negara sekular seperti India sebaliknya sebuah negara yang mengamalkan dwi-sistem (sistem perundangan hybrid) iaitu dengan meminda Artikel 3 Perlembagaan Persekutuan dengan menambah perkataan seperti berikut (seperti yang dihitamkan): Islam adalah agama bagi Persekutuan termasuk dari segi undang-undang dan syariatnya. Bahawa Dewan mengambil maklum bahawa keputusan Mahkamah di dalam kes Che Omar Che Soh v. Pendakwaraya dan Jamaluddin Osman v. Menteri Dalam Negeri telah banyak diputarbelit dan disalahtafsir oleh golongan tertentu untuk memberi gambaran kononnya Malaysia adalah negara sekular sedangkan hakikatnya Malaysia bukanlah negara sekular sebaliknya negara yang meletakkan Islam sebagai agama bagi Persekutuan, maka dengan pindaan kepada Artikel 3 Perlembagaan Persekutuan seperti yang dicadangkan akan memperjelaskan perihal kedudukan status negara ini tanpa sebarang keraguan lagi."

**(Perdana Menteri)**

38. PR-1253-U52863

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Menteri di Jabatan Perdana Menteri supaya meminda Akta Mahkamah Keadilan 1964 (Courts of Judicature Act 1964) (Akta 91) dengan memasukkan peruntukkan baru di Seksyen 4 seperti berikut: Seksyen 4A: Di dalam keadaan dimana terdapat isu dan/ atau pertikaian membabitkan dan atau melibatkan agama Islam dari segi aqidah, kepercayaan, hukum-hakam, syariat dan/atau apa juga persoalan mengenai Islam,

maka Mahkamah wajiblah merujuk isu, persoalan dan/ atau pertikaian itu kepada Mahkamah Syariah untuk suatu keputusan atau penghakiman; dan semua prosiding hendaklah ditangguhkan sehingga keputusan atau penghakiman Mahkamah Syariah itu dibuat, dan keputusan atau penghakiman Mahkamah Syariah bagi isu, persoalan dan/ atau pertikaian itu hendaklah mengikat Mahkamah tersebut. Bahawa Dewan menginsafi masalah membabitkan isu, pertikaian atau persoalan mengenai Islam jika diputuskan di Mahkamah sekular berdasarkan undang-undang sivil boleh mencetuskan salah faham dan kekeliruan. Ini berlaku kerana isu dan persoalan membabitkan kefahaman terhadap undang-undang dan syariat Islam dalam konteks syariah dan Islam tidak difahami, dihayati dan diinsafi oleh Mahkamah sekular yang membicारा dan memutuskan sesuatu isu tersebut menurut peruntukan undang-undang sivil yang terbatas dan terhadap kepada pembicaraan soal perundangan sekular semata-mata, malahan menolak untuk menerima pakai kefahaman syarie dan Islam. Sebenarnya inilah yang telah berlaku di dalam kes Maria Hertogh @ Natrah pada tahun 1950 apabila Mahkamah sivil Singapura yang mengguna pakai undang-undang sivil British menolak untuk menerima pakai undang-undang Islam dan syariatnya dengan menolak aqidah dan keislaman Natrah dan perkahwinan Natrah dengan Almarhum Mansor Adabi yang mana menurut undang-undang Islam dan hukum syara' keislaman dan perkahwinan Natrah adalah sah kerana beliau sudah aqil baligh mengikut hukum syarak dan merupakan seorang mukallaf dan hukum taklif berlaku kepada beliau. Begitu juga di dalam beberapa kes dimana Islam melihat sesuatu isu itu dari segi aqidah, tetapi Mahkamah sekular melihatnya dari sudut istilah dan perundangan sivil. Sekiranya peruntukan seperti yang dicadangkan di atas wujud, maka Dewan menginsafi bahawa isu ini akan dapat diselesaikan dengan baik menurut peruntukan undang-undang yang terpakai bagi isu tersebut."

**(Perdana Menteri)**

39. PR-1253-U52866

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 11 (1) Perlembagaan Persekutuan dipinda dengan menambah perkataan seperti berikut (seperti yang dihitamkan): Tiap-tiap orang adalah berhak menganuti dan mengamalkan agamanya, termasuk menukar agamanya kecuali bagi penganut agama Islam yang hendaklah tertakluk kepada undang-undang dan syariat Islam. Bagi maksud penganut agama Islam, soal kemasukan dan kemurtadan dari agama Islam hendaklah ditentukan oleh Mahkamah Syariah yang mempunyai bidang kuasa mutlak keatasnya. Bahawa Dewan ini mengambil maklum bahawa walaupun Mahkamah Persekutuan di dalam beberapa kes termasuk Azlina Jailani @ Lina Joy v. Majlis Agama Islam Wilayah Persekutuan dan Jabatan Pendaftaran Negara memutuskan bahawa dalam hal ehwal dan permasalahan kemasukan atau kemurtadan daripada Islam hanya Mahkamah Syariah mempunyai bidang kuasa dan Mahkamah sivil tidak boleh mempunyai apa-apa bidang kuasa menurut Artikel 121 (1A),

namun masih lagi ada pihak yang mempertikaikan dan membawa kes seumpama ini ke Mahkamah sivil di mana dalam kes melibatkan seorang Punjabi Muslim mayatnya terlantar di Hospital Sg. Buloh, Selangor selama sebulan kerana Mahkamah Sivil masih mahu mendengar kes-kes seumpama ini, sedangkan merupakan fadhu kifayah ke atas umat Islam untuk menyegerakan pengurusan dan pengebumian jenazah mana-mana orang Islam yang telah meninggal dunia. Dengan adanya peruntukkan seumpama di atas maka isu seperti ini tidak akan berbangkit lagi."

**(Perdana Menteri)**

40. PR-1253-U52868

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mendesak supaya Mahkamah sivil yang diwujudkan menurut Artikel 121 Perlembagaan Persekutuan menghormati dan tidak mencampuri hak dan bidang kuasa Mahkamah Syariah yang diperuntukkan menurut Artikel 121 (1A) Perlembagaan termasuk hak dan bidang kuasa mutlak menentukan siapa yang boleh diterima masuk dan didaftarkan sebagai seorang Peguam Syarie. Ini adalah kerana kalau Mahkamah sivil tersebut mencampuri urusan hak dan bidang kuasa Mahkamah Syariah dalam penentuan kemasukan dan pendaftaran peguam syarie, apakah itu bermakna Mahkamah Syariah boleh mencampuri urusan hak dan bidang kuasa Mahkamah sivil untuk penentuan kemasukan dan pendaftaran seseorang peguam sivil di Mahkamah sivil."

**(Perdana Menteri)**

41. PR-1253-U52870

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mencadangkan supaya undang-undang yang berkaitan dipinda untuk memberi pilihan dan opsyen kepada mana-mana individu beragama Islam yang dikenakan sebarang pertuduhan jenayah untuk memilih forum perbicaraan di Mahkamah Syariah yang berbidang kuasa berdasarkan peruntukan undang-undang yang ada di mana-mana Akta atau Enakmen Syariah. Ini adalah kerana seorang Muslim berhak untuk dibicarakan menurut undang-undang Islam demi menjaga aqidah dan syariat seseorang Muslim itu dan bersesuaian dengan Artikel 3 dan Artikel 11 (1) Perlembagaan Persekutuan berkenaan kedudukan Islam sebagai agama bagi Persekutuan dan hak kebebasan menganut dan mengamalkan agama masing-masing."

**(Perdana Menteri)**

42. PR-1253-U52872

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah Tokoh Maal Hijrah 1434 (Peringkat Antarabangsa)

ataupun Tokoh Perdana Maulidur Rasul 1434 (Peringkat Antarabangsa) kepada saudara Yusuf Islam @ Cat Steven bagi mengenang jasa saudara Yusuf Islam yang telah memberi sumbangan besar kepada usaha menyebarkan risalah Islam dan kerja-kerja dakwah ke seluruh dunia."

**(Perdana Menteri)**

43. PR-1253-U52873

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran "TUN" secara "post-humous" (dengan izin) kepada Allahyarham Sahibul Fadhilah Sheikh Muhammad Idris Al Marbawi dan Allahyarham Sahibul Fadhilah Sheikh Abdullah Bin Basmeih dan menubuhkan kerusi khas atas nama mereka di mana-mana Universiti atau Institusi Pengajian Tinggi terpilih bagi mengenang jasa mereka yang besar kepada usaha memartabatkan dan memajukan pengembangan dakwah dan ilmu Islam melalui karya-karya besar mereka dan lain-lain usaha yang telah mereka lakukan."

**(Perdana Menteri)**

44. PR-1253-U52874

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran Tan Sri secara "post-humous" (dengan izin) kepada Allahyarham Sasterawan Negara Usman Awang bagi mengenang jasa beliau yang besar kepada usaha memartabatkan dan memajukan bahasa Melayu melalui karya-karya besarnya dan lain-lain usaha yang telah Allahyarham lakukan."

**(Perdana Menteri)**

45. PR-1253-U52876

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri, YAB Menteri-Menteri Besar dan Kerajaan Persekutuan serta Kerajaan Negeri supaya melakukan semakan semula senarai penerima anugerah kebesaran persekutuan atau negeri dengan tujuan untuk dilakukan pembersihan termasuk menarik balik dan/ atau membatalkan anugerah dan gelaran yang diberi kepada mereka yang telah dan/ atau pernah disabitkan dengan sebarang kesalahan jenayah dan yang didaftarkan di Pusat Pendaftaran Penjenayah (Criminal Registration Center)."

**(Perdana Menteri)**

46. PR-1253-U52877

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini membuat ketetapan mencadangkan supaya satu kajian dibuat dengan tujuan menggubal undang-undang yang bersesuaian untuk memansuhkan keperluan mengadakan pilihan raya kecil bagi kerusi yang kosong atau dikosongkan oleh mana-mana wakil rakyat sama ada di peringkat Parlimen ataupun Dewan Undangan Negeri termasuk kemungkinan memberikan kerusi yang kosong atau dikosongkan itu kepada parti yang telah memenangnya semasa pilihan raya umum untuk menentukan calon yang mengganti dan/ atau mengisi kekosongan tersebut. Ini sekali gus dapat mengelakkan keperluan mengadakan pilihan raya kecil yang melibatkan kos yang tinggi dan menyebabkan masyarakat Malaysia terlibat dengan kegiatan politik tanpa kesudahan."

**(Perdana Menteri)**

47. PR-1253-U52878

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Kerajaan Persekutuan dengan kerjasama semua Kerajaan Negeri supaya menubuhkan sebuah badan dikenali sebagai Majlis Ulama Negara dan melantik seorang Mufti Negara sebagai Ketua bagi dan dengan kuasa dan otoriti mengatasi kesemua Mufti-Mufti dan menjadi Pengerusi bagi Majlis Fatwa Kebangsaan dengan tanggungjawab dan menjawab hanya kepada Yang DiPertuan Agong dan Majlis Raja-Raja. Selanjutnya Dewan ini mengambil ketetapan mendesak Kerajaan supaya memberi kuasa dan bidang kuasa jelas kepada Majlis Fatwa Kebangsaan untuk menguatkuasakan dan melaksanakan fatwa-fatwa yang dikeluarkannya dan mana-mana orang yang mempersoalkan dan/ atau mempertikaikan Fatwa-fatwa tersebut hendaklah dianggap melakukan penghinaan terhadap agama Islam dan diambil tindakan tegas menurut Seksyen 298A Kanun Keseksaan atau di bawah mana-mana undang-undang (Persekutuan atau Negeri)."

**(Perdana Menteri)**

48. PR-1253-U52879

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil langkah mengiktiraf Palestin sebagai sebuah negara yang berdaulat dan merdeka mengikut persempadanan sebelum tahun 1967 dan menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan masalah Palestin dan menamakan badan ini sebagai "Jawatankuasa Caucus bagi Palestin" dengan melantik YB Kepala Batas (atau mana-mana Ahli Parlimen yang dipertimbangkan sesuai) sebagai Pengerusi Caucus tersebut dan selanjutnya Dewan ini mendesak Kerajaan Mesir supaya membuka semula pintu Rafah dan memberi kebebasan keluar/ masuk kepada rakyat Palestin dan tidak menghalang sebarang usaha-usaha bantuan kemanusiaan oleh mana-mana pihak;

dan juga mendesak rejim zionis Israel supaya segera mengembalikan hak rakyat Palestin dan mengiktiraf Negara Palestin sebagai negara yang merdeka dan berdaulat dan Baitulmaqdis sebagai ibu negeri Negara Palestin."

**(Perdana Menteri)**

49. PR-1253-U52881

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil langkah untuk menubuhkan sebuah Jawatankuasa Khas Kabinet dengan segera khusus untuk menangani dan memantau dan mengambil langkah-langkah bersepadu dan berkesan berkaitan dengan hal ehwal masyarakat India dan penganut agama Hindu, dengan tujuan untuk memantapkan kedudukan ekonomi mereka dan hal masalah peribadatan mereka termasuk penyelenggaraan dan pengurusan kuil-kuil mereka dan menyelesaikan permasalahan kewarganegaraan dan kad pengenalan mereka dan dinamakan sebagai Jawatankuasa Khas Kabinet bagi Hal Ehwal Masyarakat India dengan melantik Timbalan Perdana Menteri sebagai Pengerusi Jawatankuasa Khas tersebut."

**(Perdana Menteri)**

50. PR-1253-U52882

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Kementerian Pelajaran supaya dengan serta-merta menubuhkan sebuah Majlis Buku Negara dengan peruntukkan yang mencukupi dan segera menggubal Dasar Buku Negara dan Akta Buku serta mengambil semua langkah yang munasabah dan praktikal untuk membantu, menggalakkan, membangunkan dan memajukan industri buku negara. Selanjutnya Dewan juga membuat ketetapan supaya Dasar Buku Negara seperti yang telah dimaktubkan segera dilaksanakan sepenuhnya dan mencapai matlamat yang disasarkan dalam Dasar Buku Negara tersebut."

**(Menteri Pelajaran)**

51. PR-1253-U52883

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Kerajaan Persekutuan supaya mengambil langkah menyiarkan dan mewajibkan siaran azan pada tiap-tiap waktu solat fardu yang lima di kesemua tempat awam tanpa sebarang sekatan dan/ atau halangan. Ini adalah kerana sebagai sebuah negara yang meletakkan Islam sebagai agama Persekutuan seperti yang dimaktubkan oleh Artikel 3 Perlembagaan Persekutuan, maka adalah penting untuk syiar Islam dimartabatkan."

**(Menteri Penerangan, Komunikasi dan Kebudayaan)**

52. PR-1253-U52884

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Menteri Dalam Negeri mengambil langkah supaya kesemua banduan dan tahanan yang disabit dan dikenakan hukuman penjara sepanjang hayat hendaklah dikurangkan hukuman kepada penjara tidak melebihi 20 (dua puluh tahun) dan bagi yang telah menjalani hukuman melebihi jumlah 20 tahun tersebut (setelah ditolak cuti dan kelakuan baik) hendaklah dibebaskan dengan serta-merta."

**(Menteri Dalam Negeri)**

53. PR-1253-U52886

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil langkah mendesak Menteri Pengangkutan supaya mengarahkan dan/ atau mengenakan syarat kepada syarikat penerbangan Malaysia Airline, Air Asia atau mana-mana syarikat penerbangan dalam negeri ini supaya membenarkan kakitangan wanitanya terutama pramugari yang beragama Islam pilihan untuk memakai pakaian / pakaian seragam yang mematuhi hukum syarak termasuk untuk memakai tudung dan pakaian menutup aurat dan boleh memilih untuk tidak menyediakan dan atau menghidangkan arak semasa dalam penerbangan."

**(Menteri Pengangkutan)**

54. PR-1253-U52887

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Menteri Pengangkutan melarang dan/ atau mengenakan syarat kepada syarikat Penerbangan Malaysia supaya menghentikan penjualan arak dan lain-lain minuman keras dan yang memabukkan semasa di dalam penerbangan."

**(Menteri Pengangkutan)**

55. PR-1253-U52889

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Menteri Perdagangan Dalam Negeri, Koperasi dan Kepenggunaan hanya membenarkan penjualan arak, minuman keras dan yang memabukkan dalam apa bentuk sekalipun hanya di premis-premis khas yang dilesenkan dan hanya khusus untuk masyarakat bukan Islam sahaja; sebagaimana premis khas untuk penjualan nombor ekor, tempat perjudian dan daging khinzir dan lain-lain; dan tidak melesenkan kedai-kedai runcit atau serbaneka daripada menjual arak dan/ atau apa-apa minuman keras dan yang memabukkan di premisnya."

Dewan ini mengambil maklum banyak kes terjadi di mana remaja dan belia beragama Islam yang menyalahgunakan penjualan arak dan minuman beralkohol serta kemudahan kondom di kedai-kedai serbaneka ini untuk kegiatan tidak berakhlak dan bermoral, yang akhirnya membawa kepada timbulnya gejala sosial yang serius seperti kegiatan merempit yang melampau, perzinaan, perogolan dan kesalahan seksual dan kes pembuangan bayi."

**(Menteri Perdagangan Dalam Negeri, Koperasi & Kepenggunaan)**

56. PR-1253-U52891

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Perdana Menteri supaya dengan segera mengujudkan Kementerian Hal Ehwal Sabah & Sarawak (atau singkatannya "KHASS") dengan seorang Menteri berjawatan penuh untuk menjaga hal ehwal pembangunan, infrastruktur, kebajikan dan kepentingan rakyat Sabah & Sarawak termasuk memberi portfolio berkaitan Koridor Ekonomi Sabah/ Sarawak, dan kesemua agensi pembangunan Persekutuan mestilah melalui Kementerian ini supaya segala projek pembangunan & infrastruktur di Sabah dan Sarawak dapat diselaraskan dan dikawal selia serta dipantau dengan lebih berkesan."

**(Perdana Menteri)**

57. PR-1253-U52893

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Menteri di Jabatan Perdana Menteri supaya mengkaji dan melaksanakan projek membesarkan dan membaik pulih Masjid Jame' Bandaraya Kuala Lumpur termasuk membina mihrab dan mimbar baru yang bersesuaian, menurap keseluruhan tapak Masjid tersebut dengan marmar sebagaimana yang dibuat di Masjidil Haram dan Masjid Nabawi serta memperkukuhkan bumbung Masjid tersebut agar dapat menampung jemaah untuk mengerjakan solat terutamanya solat Jumaat dan kedua Eidulfitri & Eiduladha memandangkan pertambahan jemaah yang semakin meningkat mutakhir ini."

**(Perdana Menteri)**

58. PR-1253-U52896

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Kementerian Dalam Negeri dan Kementerian Sumber Manusia supaya mengeluarkan larangan terhadap mana-mana pembantu rumah asing yang beragama Islam daripada bekerja dengan mana-mana majikan yang bukan beragama Islam. Ini adalah kerana terdapat banyak aduan pembantu-pembantu rumah asing yang beragama Islam yang dipaksa memakai pakaian bercanggah dengan Islam seperti berseluar pendek, memakan makanan dan minuman yang haram seperti babi dan arak,



serta dipaksa memandikan dan membela anjing dan tinggal di persekitaran dan suasana yang jelas bercanggah dan/ atau tidak bersesuaian dengan seorang Muslim."

**(Menteri Dalam Negeri)**

59. PR-1253-U52898

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Kementerian Kewangan supaya membenarkan pencarum KWSP yang beragama Islam mengeluarkan simpanan mereka bagi tujuan mengerjakan ibadah haji bagi diri mereka dan keluarga terdekat sekurang-kurangnya sekali dalam seumur hidup mereka walaupun belum mencapai umur persaraan 55 tahun; Selanjutnya Dewan juga mengambil ketetapan mendesak Kementerian Kewangan supaya segera mengambil langkah memansuhkan Seksyen 167 Akta Insurans dan Peraturan 6 Peraturan KWSP 2001 yang banyak menimbulkan masalah dan disalahgunakan oleh penama yang dinamakan sebagai benefisiari kerana banyak kes di mana penama apabila menerima wang caruman daripada KWSP telah tidak membahagikan wang tersebut menurut syara' dan hukum faraid; atau sebagai alternatif mengenakan syarat kepada pengurusan KWSP supaya wang caruman si mati tidak dibayar kepada penama kecuali mereka telah mengemukakan sijil faraid daripada Mahkamah Syariah dan pembayaran dibuat oleh KWSP terus kepada waris-waris yang dinamakan di dalam sijil faraid yang dikeluarkan oleh Mahkamah Syariah yang berbidang kuasa tersebut."

**(Menteri Kewangan)**

60. PR-1253-U52900

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mendesak Kementerian Pertahanan supaya mewujudkan kem-kem Program Latihan Khidmat Negara (PLKN) yang mengambil hanya pelatih wanita sahaja sebagai pilihan bagi mereka dan ibu-bapa yang mahukan anak perempuan mereka diasingkan kerana terlalu banyak aduan pelatih-pelatih wanita yang melalui pengalaman diganggu oleh sama ada pelatih atau petugas lelaki sehingga ada yang ke peringkat mencabul, mendera dan merogol; ramai ibu-bapa yang mengadu anak perempuan mereka yang apabila kembali daripada PLKN berubah menjadi terlalu terbuka dalam pergaulan dan perhubungan dengan lelaki walaupun sebelum ke PLKN anak-anak mereka sangatlah bersopan dan menjaga akhlak dan batasan pergaulan dengan lelaki; Selanjutnya Dewan mengambil ketetapan mendesak Kementerian Pertahanan supaya menerapkan dalam syllabus latihan kepada pelatih-latih beragama Islam modul nilai Islam seperti mewajibkan solat jemaah pada tiap waktu solat fardu, qiamullail dan tahajjud, dan melatih mereka supaya mengimarahkan masjid dengan selalu mengadakan program qiamullail di mana-mana masjid berhampiran kem PLKN, yang mana ini akan bukan sahaja menjalinkan ukhwa dan persaudaraan dengan masyarakat sekeliling, ianya juga akan memperkukuh dan memperkuat aspek spiritual dan kerohanian pelatih-pelatih PLKN."

**(Menteri Pertahanan)**

61. PR-1253-U52906

**Dato' Zulkifli bin Noordin [ Kulim Bandar Baru ]** akan mencadangkan:-

"Bahawa Dewan ini mengambil ketetapan mencadangkan kepada Kementerian Dalam Negeri, dengan kerjasama Jabatan Perdana Menteri (Bahagian Hal Ehwal Islam) supaya mengkaji kepada keperluan mewujudkan sebuah pusat tahanan, penjara dan/ atau tempat pelaksanaan hukuman bagi mereka yang disabit dan dijatuhkan hukuman oleh mana-mana Mahkamah Syariah yang berbidangkuasa memandangkan tiadanya pusat tahanan, penjara dan/ atau tempat pelaksanaan hukuman bagi pesalah-pesalah syarie seperti yang kita persaksikan dalam kes Kartika Sari Dewi Syukarno. Dewan mengambil perhatian bahawa pelaksanaan hukuman bagi pesalah syarie adalah sangat berbeza dari tujuan, matlamat dan bentuk hukuman bagi pesalah syarie berbanding dengan pesalah di Mahkamah Sivil."

**(Menteri Dalam Negeri)**

62. PR-1253-U52419

**Tuan John a/I Fernandez [ Seremban ]** akan mencadangkan:-

"Bahawa Dewan ini dapat membincangkan untuk memohon kepada pihak International Olympic Committee (IOC) untuk menjadikan acara Sukan Skuasy sebagai salah satu acara yang dipertandingkan di Sukan Olimpik yang akan datang di Rio De Janeiro, Brazil pada tahun 2016 memandangkan Ratu Skuasy Negara, Datuk Nicol Ann David adalah jaguh handalan dunia bagi acara tersebut."

**(Menteri Belia dan Sukan)**

63. PR-1253-U52423

**Tuan John a/I Fernandez [ Seremban ]** akan mencadangkan:-

"Bahawa Dewan ini dapat membahaskan supaya pihak Kerajaan membuat pindaan yang sewajarnya kepada undang-undang jenayah yang tertentu dengan memansuhkan hukuman mati."

**(Menteri Dalam Negeri)**

64. PR-1253-U52429

**Tuan John a/I Fernandez [ Seremban ]** akan mencadangkan:-

"Bahawa Dewan ini dapat membahaskan usaha-usaha yang telah dilaksanakan dan yang akan diambil untuk memantau status kualiti udara di seluruh negara yang tidak sihat dan isu jerebu di negara ini."

**(Menteri Sumber Asli dan Alam Sekitar)**

65. PR-1253-U52435

**Tuan John a/l Fernandez [ Seremban ]** akan mencadangkan:-

"Bahawa Dewan ini dapat membincangkan supaya semua aset-aset yang dimiliki oleh pihak Kerajaan dapat didedahkan kepada pengetahuan orang ramai."

**(Perdana Menteri)**

66. PR-1253-U52452

**Tuan John a/l Fernandez [ Seremban ]** akan mencadangkan:-

"Bahawa Dewan ini membahaskan apakah program jangka panjang yang diambil oleh pihak Kementerian dalam membangunkan dan meningkatkan tahap aktiviti dan penyertaan sukan dalam kalangan masyarakat, Latihan kepada atlet, jurulatih dan pegawai sukan untuk pertandingan di peringkat kebangsaan dan antarabangsa supaya lebih banyak pingat diperolehi dalam pertandingan sukan antarabangsa seperti Sukan Asia, Sukan Komanwel, Sukan SEA dan Sukan Olimpik."

**(Menteri Belia dan Sukan)**

67. PR-1253-U52457

**Tuan John a/l Fernandez [ Seremban ]** akan mencadangkan:-

"Bahawa Dewan ini meminta Kerajaan untuk mengambil tindakan yang sewajarnya untuk mengawal kualiti barang-barang yang terlalu banyak di bawa masuk ke negara ini daripada negara China terutamanya barang-barang makanan dan barang-barang elektronik yang pelbagai jenamanya."

**(Menteri Perdagangan Dalam Negeri, Koperasi & Kepenggunaan)**

68. PR-1253-U52461

**Tuan John a/l Fernandez [ Seremban ]** akan mencadangkan:-

"Bahawa Dewan ini dapat membincangkan mengenai langkah-langkah yang lebih berkesan dapat diambil untuk memupuk perpaduan di antara kaum-kaum di negara ini supaya isu-isu perkauman dapat dihindari bagi mengekalkan keharmonian dan kedamaian kerana negara yang aman dan damai dapat menjamin kebahagiaan dan keselamatan rakyatnya."

**(Perdana Menteri)**

69. PR-1253-U52470

**Tuan John a/l Fernandez [ Seremban ]** akan mencadangkan:-

"Bahawa Dewan ini dapat meminta Kerajaan membincangkan mengenai kesan sosial kepada masyarakat setempat kerana sejak kebelakangan ini masyarakat setempat kecewa dan marah kepada segelintir pelajar antarabangsa di sini yang dikatakan terbabit dalam kegiatan jenayah dan ada yang bersikap tidak menghormati budaya tempatan."

**(Menteri Dalam Negeri)**

70. PR-1253-U52476

**Tuan John a/I Fernandez [ Seremban ]** akan mencadangkan:-

"Bahawa Dewan ini meminta Kerajaan untuk membincangkan supaya cukai taksiran yang dibayar kepada Majlis Perbandaran Tempatan dapat dikurangkan sebanyak 50% dan perlu dibayar hanya sekali setahun (untuk 12 bulan) untuk mengurangkan bebanan rakyat."

**(Menteri Perumahan dan Kerajaan Tempatan)**

71. PR-1253-U52483

**Tuan John a/I Fernandez [ Seremban ]** akan mencadangkan:-

"Bahawa Dewan ini dapat membincangkan supaya Lebuhraya Utara Selatan dapat ditambah laluan untuk mengelakkan kesesakan jalan raya pada hujung minggu dan semasa musim perayaan. Kualiti dan keadaan jalan juga perlu ditingkatkan untuk memastikan keselamatan dan keselesaan pengguna jalan raya."

**(Menteri Kerja Raya)**

72. PR-1253-U52485

**Tuan John a/I Fernandez [ Seremban ]** akan mencadangkan:-

"Bahawa Dewan ini dapat meminta Kerajaan untuk membahaskan langkah-langkah yang perlu diambil oleh Kementerian untuk mengawal warga asing yang memiliki perniagaan-perniagaan kecil di bandar-bandar besar yang menyebabkan kesukaran bagi peniaga-peniaga tempatan berniaga dan menyebabkan mereka gulung tikar."

**(Menteri Perdagangan Dalam Negeri, Koperasi & Kepenggunaan)**

73. PR-1253-U52942

**Tuan Liew Chin Tong [ Bukit Bendera ]** akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh MINDEF, mesti dibawa ke Parlimen dibahas dan diaudit oleh Jabatan Audit Negara sebagai syarat untuk meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene telah menimbulkan banyak persepsi negatif terhadap negara."

**(Menteri Pertahanan)**

74. PR-1253-U52506

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Pertubuhan Bangsa-Bangsa Bersatu dalam menguatkuasakan Resolusi 62/149 Bangsa-Bangsa Bersatu mengenai moratorium terhadap hukuman mati yang telah dikuatkuasakan oleh Perhimpunan Agung Bangsa-Bangsa Bersatu pada 18 Disember 2007 di mana negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka ini Dewan hendaklah mengambil ketetapan untuk meminta Kerajaan melalui Kementerian Luar Negeri untuk membantu mematuhi moratorium tersebut dan meminda undang-undang yang bercanggah dengan moratorium tersebut."

**(Menteri Luar Negeri)**

75. PR-1253-U52514

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini menubuhkan sebuah Suruhanjaya Diraja Siasatan Kes Kematian Tujuh Warga Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan, kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

**(Perdana Menteri)**

76. PR-1253-U52520

**Tuan Gwo-Burne Loh [ Kelana Jaya ]** akan mencadangkan:-

"Bahawa Dewan ini mendesak Suruhanjaya Integriti Agensi Penguatkuasaan (SIAP) menjalankan siasatan ke atas kematian Adik Aminulrasyid yang ditembak mati oleh anggota polis. Dewan juga mendesak mengenai pelantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbicaraan yang dijalankan, banyak pihak tidak berpuas hati dengan perjalanannya dan diharap agar suruhanjaya ini mampu untuk menjawab pelbagai spekulasi."

**(Perdana Menteri)**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2012</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
DR.4	Penyata Jawatankuasa Peraturan-Peraturan Mesyuarat Majlis Mesyuarat Dewan Rakyat	26 November 2012
ST.59	Akta Kastam 1967 Perintah Duti Kastam 2012 P.U(A) 275 bertarikh 28 Ogos 2012	26 November 2012
ST.60	Akta Kastam 1967 Perintah Duti Kastam (Barang-barang Berasal dari Negeri-negeri ASEAN) (Tatanama Tarif Berharmonis ASEAN dan Perjanjian Perdagangan Barangan ASEAN) 2012 P.U(A) 277 bertarikh 28 Ogos 2012	26 November 2012
ST.96	Akta Eksais 1976 Perintah Duti Eksais 2012 P.U (A) 350 bertarikh 29 Oktober 2012	26 November 2012
ST.97	Akta Eksais 1976 Perintah Duti Eksais (Kenderaan Bermotor) (Bayaran) 2012 P.U (A) 351 bertarikh 29 Oktober 2012	26 November 2012
ST.98	Akta Cukai Jualan 1972 Perintah Cukai Jualan (Kadar Cukai No.1) 2012 P.U (A) 354 bertarikh 29 Oktober 2012	26 November 2012
ST.99	Akta Cukai Jualan 1972 Perintah Cukai Jualan (Kadar Cukai No.2) 2012 P.U (A) 355 bertarikh 29 Oktober 2012	26 November 2012
ST.142	Akta Cukai Pendapatan 1967 dan Akta Petroleum (Cukai Pendapatan) 1967. Perintah Pelepasan Cukai Dua Kali (Kerajaan Wilayah Pentadbiran Khas Republik Rakyat China Hong Kong) 2012.	26 November 2012

<b><u>TAHUN</u></b> <b><u>2012</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.143	Akta Cukai Pendapatan 1967 dan Akta Petroleum (Cukai Pendapatan) 1967 Perintah Pelepasan Cukai Dua Kali (Kerajaan Republik India) 2012.	26 November 2012
ST.144	Akta Cukai Pendapatan 1967 Perintah Pertukaran Maklumat (Kerajaan Bermuda) 2012	26 November 2012
ST.88	Laporan Tahunan dan Penyata Kewangan Lembaga Koko Malaysia Bagi Tahun 2011	26 November 2012
ST.119	Laporan Tahunan dan Penyata Kewangan Lembaga Kemajuan Ikan Malaysia (LKIM) Bagi Tahun 2011	26 November 2012
ST.121	Laporan Tahunan dan Penyata Kewangan Lembaga Pemasaran Pertanian Persekutuan (FAMA) Bagi Tahun 2011	26 November 2012
ST.146	Laporan Tahunan dan Penyata Kewangan Dewan Bandaraya Kuala Lumpur Bagi Tahun 2011.	26 November 2012
ST.147	Laporan Tahunan dan Penyata Kewangan Perbadanan Putrajaya Bagi Tahun 2011.	26 November 2012
ST.148	Laporan Tahunan dan Penyata Kewangan Perbadanan Labuan Bagi Tahun 2011.	26 November 2012
ST.149	Laporan Tahunan dan Penyata Kewangan Universiti Sains Islam Malaysia (USIM) Bagi Tahun 2011	26 November 2012
ST.151	Laporan Tahunan dan Penyata Kewangan Universiti Malaysia Perlis (UniMAP) Bagi Tahun 2011.	26 November 2012
ST.156	Laporan Tahunan dan Penyata Kewangan Universiti Pendidikan Sultan Idris (UPSI) Bagi Tahun 2011	26 November 2012

<b><u>TAHUN</u></b> <b><u>2012</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
ST.157	Laporan Tahunan dan Penyata Kewangan Universiti Teknologi MARA (UiTM) Bagi Tahun 2011.	26 November 2012
ST.159	Laporan Tahunan dan Penyata Kewangan Universiti Malaysia Kelantan (UMK) Bagi Tahun 2011	26 November 2012
ST.160	Laporan Tahunan dan Penyata Kewangan Pusat Perubatan Universiti Malaysia (PPUM) Bagi Tahun 2011.	26 November 2012
ST.161	Laporan Tahunan dan Penyata Kewangan Perbadanan Tabung Pendidikan Tinggi Nasional (PTPTN) Bagi Tahun 2011	26 November 2012
ST.164	Laporan Tahunan dan Penyata Kewangan Universiti Teknikal Malaysia Melaka (UTeM) Bagi Tahun 2011	26 November 2012